

30. ágúst 2022

Fréttatilkynning: Afkoma Sýnar hf. á fyrri helmingi ársins 2022.

## Mesti rekstrarhagnaður í sögu fyrirtækisins

Árshlutareikningur samstæðu Sýnar hf. fyrir fyrstu sex mánuði ársins 2022 var samþykktur á stjórnarfundum þann 30. ágúst 2022.

### Helstu niðurstöður:

- Tekjur á öðrum ársfjórðungi (2F) 2022 námu 6.009 m.kr. en tekjur aukast um 720 m.kr. frá sama tíma árið 2021. Tekjur á fyrstu sex mánuðum ársins voru 11.691 m.kr. sem er 13,6% hærra en á sama tíma 2021.
- EBITDA nam 1.607 m.kr. á 2F 2022 í samanburði við 1.488 m.kr. á sama tímabili í fyrra. EBITDA hlutfallið er 26,7% á 2F 2022 samanborið við 28,1% á 2F 2021. EBITDA á fyrstu sex mánuðum ársins var 3.317 m.kr. sem er 15,3% hækkun frá síðasta ári.
- Hagnaður á 2F 2022 nam 66 m.kr. samanborið við 117 m.kr. tap á sama tímabili í fyrra. Hagnaður á fyrri árhelmingi ársins nam 273 m.kr. samanborið við 348 m.kr. tap á sama tímabili árið 2021. Inni í tapi fyrri árhelmingis árið 2021 er sölutap að fjárhæð 179 m.kr. vegna sölu á færeyska hlutdeildarfélaginu Hey.
- Handbært fé frá rekstri á fjórðungnum nam 1.580 m.kr. samanborið við 1.431 m.kr. á sama tímabili árið áður, sem er hækkun um 10,4%. Handbært fé frá rekstri á fyrri árhelmingi nam 2.688 m.kr. samanborið við 1.975 m.kr. á sama tímabili árið áður, sem er hækkun um 36,1%.
- Heildarfjárfestingar á fyrstu sex mánuðum ársins 2022 námu 1.830 m.kr. þar af eru fjárfestingar í varanlegum rekstrarfjármunum og óefnislegum eignum (án sýningarrétta) 740 m.kr. og fjárfesting í sýningarréttum 1.086 m.kr.
- Fjármögnunarhreyfingar á fyrri árhelmingi voru neikvæðar um 2.809 m.kr. á móti 1.748 m.kr. á sama tímabili árið 2021. Innifalið í fjármögnunarhreyfingum 2022 eru kaup á eigin bréfum að fjárhæð 1.860 m.kr.
- Í ársbyrjun 2022 ákvað stjórn að setja í gang endurkaupaáætlun í þeim tilgangi að lækka útgefið hlutfé félagsins. Endurkaupaáætlunin hófst með öfugu útboði þann 7. janúar sem lauk 9. janúar. Til viðbótar voru sett í gang regluleg endurkaup sem stóðu yfir frá 13. janúar til 3. mars. Félagið keypti í heild 28.064.512 hluti eða 9,47% af útgefnu hlutfé fyrir 1.860 m.kr.
- Eiginfjárhlutfall félagsins var 27,3% í lok fyrri árhelmingis ársins 2022.
- Á aðalfundi félagsins þann 18. mars var samþykkt tillaga stjórnar um að lækka hlutfé í samræmi við fjölda eigin hluta. Lækkunin var framkvæmd þann 12. apríl og eru útgefni hlutir í félaginu 268.376.962 eftir lækkunina.

## Helstu niðurstöður úr rekstri fyrri ársheilmings 2022

	2F 2022	2F 2021	% br.	6M 2022	6M 2021	% br.
Seldar vörur og þjónusta	6.009	5.289	13,6%	11.691	10.289	13,6%
Kostnaðarverð	-4.124	-3.759	9,7%	-7.790	-7.134	9,2%
<b>Framlegð</b>	<b>1.885</b>	<b>1.530</b>	<b>23,2%</b>	<b>3.901</b>	<b>3.155</b>	<b>23,6%</b>
Rekstrarkostnaður	-1.563	-1.588	-1,6%	-3.178	-3.171	0,2%
<b>EBITDA</b>	<b>1.607</b>	<b>1.488</b>	<b>8,0%</b>	<b>3.317</b>	<b>2.876</b>	<b>15,3%</b>
<b>EBIT</b>	<b>322</b>	<b>-58</b>	-	<b>723</b>	<b>-16</b>	-
Hrein fjármagnsgjöld	-226	-117	-	-368	-210	-
Áhrif hlutdeildarféлага	0	20	-	0	-173	-
Tekjuskattur	-30	38	-	-82	51	-
<b>Hagnaður (tap)</b>	<b>66</b>	<b>-117</b>	-	<b>273</b>	<b>-348</b>	-
<i>Framlegð</i>	<i>31,4%</i>	<i>28,9%</i>		<i>33,4%</i>	<i>30,7%</i>	
<i>EBITDA</i>	<i>26,7%</i>	<i>28,1%</i>		<i>28,4%</i>	<i>28,0%</i>	
<i>EBIT</i>	<i>5,4%</i>	<i>-1,1%</i>		<i>6,2%</i>	<i>-0,2%</i>	

\* Fjárhæðir eru í milljónum króna

### Heiðar Guðjónsson, forstjóri:

„Rekstrarhagnaður eykst um 740 milljónir á milli ára og við sýnum mesta rekstrarhagnað í sögu fyrirtækisins. Við náum að halda aftur af kostnaði en aukum tekjur um 14%. Ég hef fulla trú á að við höldum áfram að bæta ofan á tekjurnar en kostnaðurinn haldist hóflegur og því erum við á góðri leið með að ná því að hafa um 100 milljón króna hagnað á mánuði af reglulegri starfsemi sem ganginn í fyrirtækinu.

Við höfum fjárfest mikið í innri kerfum á síðustu þremur árum og það er langstærsta fjárfesting félagsins á tímanum. Hún fer núna að bera ávöxt með nýjungum í vöruframboði sem munu auka tekjur okkar og hlutdeild á markaði. Grunnurinn er því afar traustur.

Ritað var undir samning um samstarf við uppbyggingu á 5G sendum við Nova í júní sem hefur leitt af sér stærsta landsdekkandi kerfið. Eins styrkir það okkur enn frekar í því forskoti sem við höfum í hlutanetinu (IoT) með yfir milljón kort útistandandi en tekjuvöxtur framtíðar mun liggja að stóru leyti þar á farsímamarkaði.

Á fjölmiðlamarkaði sjáum við umtalsverða aukningu í tekjum af áskriftum og auglýsingum. Allir miðlar eru að vaxa og skila jákvæðri afkomu.

Þetta er síðasta afkomubirting sem ég tek þátt í og er ég einstaklega stoltur af því verki sem við höfum skilað á starfstíma mínum. Við höfum breytt algerlega stefnu fyrirtækisins, endurnýjað innri upplýsingakerfi, snúið við rekstri, endurfjármagnað félagið og gert allt þetta í miðjum heimsfaraldri. Framtíðin er svo sannarlega björt hjá Sýn hf.“

## Rekstrarafkoma á 2. ársfjórðungi 2022:

Tekjur félagsins á 2F 2022 námu 6.009 m.kr. samanborið við 5.289 m.kr. árið 2021.

Tekjur af fjölmiðlun námu 2.147 m.kr. á 2F 2022 og hækkuðu um 31 m.kr. miðað við annan fjórðung ársins 2021. Tekjur af interneti námu 1.109 m.kr. á 2F 2022 samborið við 1.116 m.kr. á 2F 2021. Tekjur af farsíma námu 1.282 m.kr. og hækkuðu um 221 m.kr. miðað við sama tímabil árið 2021. Tekjur af fastlínu námu 122 m.kr. á 2F 2022 og lækkuðu um 9% á milli tímabila. Tekjur af hýsingar- og rekstrarlausnum sem er kjarnastarfsemi Endor ehf. námu 864 m.kr. á 2F 2022 samanborið við 352 m.kr. á sama tímabili árið 2021, það er hækkun um 145%. Tekjur af vörusölu námu 323 m.kr. á tímabilinu sem er 4% hækkun miðað við sama ársfjórðung 2021. Aðrar tekjur námu 162 m.kr. á 2F 2022 sem er 19% lækkun frá sama tímabili 2021.

Kostnaðarverð nam 4.124 m.kr. og hækkaði það um 9,7% á milli ára. Rekstrarkostnaður nam 1.563 m.kr. og er 1,6% lægri en á sama tíma árið 2021. EBITDA tímabilsins nam 1.607 m.kr. og hækkar um 119 m.kr. miðað við sama tímabil árið 2021. EBITDA hlutfall fyrsta ársfjórðungs var 26,7% samanborið við 28,1% á 2F 2021.

Hrein fjármagnsgjöld námu 226 m.kr. á 2F 2022 sem er hækkun um 109 m.kr. á milli tímabila. Gengismunur var jákvæður um 13 m.kr á 2F 2022 samanborið við 22 m.kr á 2F 2021. Vextir af langtímaskuldum hækka um 103 m.kr. milli fjórðunga. Hækkun vaxtagjalda kemur til vegna hærri leiguskuldbindinga í kjölfarið af innviðasölu. Hækkun stýrivaxta vegur á móti lækkun vaxtagjalda vegna lægri skuldsetningar.

Hagnaður á 2F 2022 nam 66 m.kr. samanborið við 117 m.kr. tap á sama tímabili í fyrra.

## Sjóðstreymi 2. ársfjórðungs 2022:


Handbært fé frá rekstri á 2F ársins 2022 var 1.580 m.kr.

Fjárfestingahreyfingar voru neikvæðar um 1.010 m.kr. á 2F 2022.

Fjármögnunarhreyfingar félagsins voru neikvæðar um 407 m.kr. á 2F 2022.

Handbært fé í lok 2F 2022 nam 2.252 m.kr. sem er hækkun um 1.850 m.kr. miðað við sama tímabil árið 2021.

## Sjóðstreymi 2F 2022



### Rekstrarafkoma 6M 2022:

Tekjur félagsins fyrstu 6 mánuði ársins 2022 námu 11.691 m.kr samanborið við 10.289 m.kr. á sama tíma árið 2021.

Tekjur af fjölmiðlun námu 4.254 m.kr. á 6M 2022 og hækkuðu um 5% á milli ára. Tekjur af interneti námu 2.231 m.kr. á árinu, sem er lækkun um 1% á milli ára. Tekjur af farsíma námu 2.683 m.kr. og eru 683 m.kr. hærra en á sama tímabili árið 2021. Tekjur af fastlínu námu 251 m.kr. á árinu og lækkuðu um 8% á milli tímabila. Tekjur af hýsingar- og rekstrarlausnum sem er kjarnastarfsemi Endor ehf. námu 1.329 m.kr. á fyrstu 6 mánuðum ársins 2022 og hækkuðu um 100% á milli ára. Tekjur af vörusölu námu 597 m.kr. á tímabilinu sem er 1% lækkun miðað við 6M 2021. Aðrar tekjur námu 346 m.kr. á fyrri helming ársins og lækkuðu um 17% á milli ára.

Kostnaðarverð nam 7.790 m.kr. og var 9,2% hærra en á fyrri tímabili. Rekstrarkostnaður nam 3.178 m.kr og stendur í stað á milli tímabila. EBITDA fyrir 6M 2022 nam 3.317 m.kr. og hækkar um 15,3% miðað við sama tímabil árið 2021. EBITDA hlutfall var 28,4% samanborið við 28,0% árið áður.

Hrein fjármagnsgjöld námu 368 m.kr. á fyrri árshelmingi ársins 2022 sem er hækkun um 158 m.kr. á milli tímabila. Gengismunur var jákvæður á fyrstu sex mánuðum ársins 2022 að fjárhæð 71 m.kr. og breytist óverulega á milli tímabila. Hækkun vaxtagjalda kemur til vegna hærra leiguskuldbindinga í kjölfarið af innviðasölu. Hækkun stýrivaxta vegur á móti lækkun vaxtagjalda vegna lægri skuldsetningar.

Hagnaður fyrstu 6 mánaði 2022 nam 273 m.kr. samanborið við 348 m.kr. tap á sama tímabili árið 2021. Inni í tapi fyrri árshelmings árið 2021 er 179 m.kr. sölutap vegna sölu á færeyska hlutdeildarfélaginu Hey.

### Sjóðstreymi 6M 2022:


Handbært fé frá rekstri á fyrstu 6 mánuðum ársins 2022 var 2.688 m.kr.

Fjárfestingahreyfingar námu 1.830 m.kr. samborið við 643 m.kr. árið 2021. Innifalið í fjárfestingahreyfingum árið 2021 er 1.065 m.kr. vegna sölu á eignarhluta í hlutdeildarfélaginu Hey.

Fjármögnunarahreyfingar félagsins voru neikvæðar um 2.809 m.kr. fyrir 6M 2022. Innifalið í fjármögnunarahreyfingum 2022 eru kaup á eigin bréfum að fjárhæð 1.860 m.kr.

Handbært fé í lok fyrri árshelmings nam 2.252 m.kr. sem er hækkun um 1.850 m.kr. miðað við sama tímabil árið 2021.

### Sjóðstreymi 6M 2022



### Efnahagur 30.júní 2022:

Eigið fé í lok tímabilsins nam 8.888 m.kr. og eiginfjárhlutfall var 27,3%. Útgefið hlutafé í lok tímabilsins nam 2.684 m.kr.

Heildarskuldir félagsins voru 23.640 m.kr. í lok annars fjórðungs 2022. Hreinar vaxtaberandi skuldir voru 15.605 m.kr. í lok fjórðungsins. Veltufjárhlutfall var 1,45.

### Kynningarfundur 31. ágúst 2022:

- Fjárfestafundur verður miðvikudaginn 31. ágúst og verður hann einungis sendur út rafrænt frá og með kl. 08:30 á eftirfarandi vefslóð: <https://syn.is/fjarfestatengsl>.
- Kynningarefni fundarins verður hægt að nálgast að honum loknum á síðu fjárfestatengsla Síonar á <https://syn.is/fjarfestatengsl> og í fréttakerfi Nasdaq Iceland.

### Fjárhagsdagatal 2022:

- |                                |                  |
|--------------------------------|------------------|
| ✓ Afkoma 3F 2022               | 2. nóvember 2022 |
| ✓ Afkoma 4F og ársuppgjör 2022 | 15. febrúar 2023 |
| ✓ Aðalfundur 2022              | 17. mars 2023    |

### Frekari upplýsingar:

- ✓ Tekið er á móti fyrirspurnum í gegnum netfangið [fjarfestatengsl@syn.is](mailto:fjarfestatengsl@syn.is).